



Broj: 0101-1939-7-1/21  
Sarajevo, 24.03.2021. godine

Na osnovu člana 69. stav (1), tačka (a) i 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka javne nabavke robe – Kompjuterska oprema LOT 2 (Printeri), na preporuku Komisije za javnu nabavku broj: 0101-1939-6-1/21 od 18.03.2021. godine, rektor Univerziteta u Sarajevu je d o n i o:

### **ODLUKU** **o izboru ponuđača i dodjeli ugovora**

#### **Član 1.**

Prihvata se preporuka Komisije za javnu nabavku broj: 0101-1939-6/21 od 18.03.2021. godine i ugovor o javnoj nabavci robe – **Kompjuterska oprema LOT 2 (Printeri)**, dodjeljuje ponuđaču **IMTEC d.o.o. Sarajevo**, Bulevar Meše Selimovića 95/III, 71000 Sarajevo, čija ukupna cijena ponude iznosi: **5.520,00 KM** bez PDV-a (slovima: pethiljadapetstotinadvadeset KM i 00/100).

#### **Član 2.**

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-1939-3/21 od 26.02.2021. godine, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 0101-1939-1/21 od 26.02.2021. godine, Univerzitet u Sarajevu je pokrenuo postupak javne nabavke robe – Kompjuterska oprema LOT 2 (Printeri) za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-1939-2/21 od 26.02.2021. godine, imenovana je Komisija za javnu nabavku. Obavještenje o nabavci broj: 999-1-1-34-3-42/21 objavljeno je na Portalu javnih nabavki dana 26.02.2021. godine i Službenom glasniku BiH br.13/21 od 05.03.2021.godine.

Iz izvještaja o preuzimanju tenderske dokumentacije od strane ponuđača, kreiranog sa Portala javnih nabavki da 15.03.2021. godine u 10:04h, vidljivo je da su u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači:

IMTEC D.O.O.SARAJEVO, PROINTER ITSS DOO, EKAPIJA DOO, DOO INGEL TUZLA, TERTECH D.O.O., EMADO D.O.O.SARAJEVO, BBS EUROPE, S CONSULTING D.O.O.MOSTAR, INTER-COM DOO ZENICA, ROBERT“PLUS D.O.O., GRADPROM D.O.O.SRBAC, INFOCOMP D.O.O., NETWORK I DOO, PR“MEDIA MARKET, SMART COMPUTER, LANACO D.O.O., ALF-OM, DOPER-TECH, DASTA D.O.O., EDUTEH DOO, ASPO RAIL D.O.O., UNILAB D.O.O., TIME CODE D.O.O., PRINTEX D.O.O., ITD D.O.O. SARAJEVO, PROTIM D.O.O. SARAJEVO, ASBIS D.O.O., VERACOMP D.O.O., ELUR D.O.O. KISELJAK, EUNOIA D.O.O. SARAJEVO, R&S D.O.O. SARAJEVO, TELNET D.O.O., OR TARIK , KODEKS D.O.O., DISTI D.O.O. DIGITARIJA D.O.O. DRUSTVO ZA ZAVJETOVANJEI USLUGE U INFORMATICI, INTEGRACIJA ITC SOLUCIJA DOO (SOLINT DOO), DIJAL-"M".

Iz izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 15.03.2021 godine u 10:03 sati, vidljivo je da u periodu koji je ostavljen za dostavljanje pitanja i dodavanje odgovora (do datuma 10.03.2021. godine), od strane potencijalnih ponuđača **nije bilo postavljenih pitanja** za pojašnjenje Tenderske dokumentacije broj: 0101-1939-3/21 od 26.02.2021. godine i tehničke specifikacije za KOMPJUTERSKU OPREMU – LOT 2 (Printeri)

Na Tendersku dokumnetaciju broj 0101-13060-3/20 od 26.02.2021. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 15.03.2021. godine u 10:30 sati, Komisija za provođenje postupka nabavke, izvršila javno otvaranje blagovremeno prispjele ponude slijedećih ponuđača:

Broj protokola	Naziv/ime ponuditelja (šifra)	Dan i sat primitka
0101-2553/21	Imtec d.o.o.Sarajevo, Bulevar Meše Selimovića 95/III, 71000 Sa	15.03.2021. 09:30 h
0101- 2557 /21	„Elur“ d.o.o. Kiseljak, Žrtava domovinskog rata 2, 71250 Kiseljak	15.03.2021. 09:40 h

Na javnom otvaranju ponude nisu bili prisutni predstavnici ponuđača. Od strane prisutnih na javnom otvaranju ponuda nije bilo primjedbi na postupak otvaranja ponuda, što je konstatovano u Zapisniku o otvaranju ponuda. Zapisnik sa javnog otvaranja ponuda je isti dan (15.03.2021. godine) upućen putem pošte ponuđačima IMTEC d.o.o. Sarajevo, Bulevar Meše Selimovića 95/III, 71000 Sarajevo i Elur“ d.o.o. Kiseljak, Žrtava domovinskog rata 2, 71250 Kiseljak. U Zapisniku o otvaranju ponuda je konstatovano da nije bilo neblagovremeno prispjelih ponuda. Komisija za javnu nabavku je u Zapisniku o otvaranju ponuda sačinila sažetak ponuda primljenih u roku (kriterij za dodjelu najniža cijena).

Broj protokola ugovornog tijela	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude	Ponuđeni popust
0101-2553/21	1	Imtec d.o.o.Sarajevo, Bulevar Meše Selimovića 95/III, 71000 Sarajevo	Da	5.520,00KM bez PDV-a 0% Popust PDV 0,00KM 5.520,00KM	0,00 KM

0101-2557/21	2	„Elur“ d.o.o. Kiseljak, Žrtava domovinskog rata 2, 71250 Kiseljak	Da	5.520,00KM bez PDV-a 0% Popust PDV 0,00KM  5.520,00KM	0,00 KM
--------------	---	---	----	--	---------

Iz Zapisnika Komisije je vidljivo da Komisija za provođenje postupka nabavke nije imala nejasnoća u ponudi ponuđača, niti je bilo grešaka u dostavljenoj ponudi.

U Zapisniku o pregledu i ocjeni ponuda Komisija za provođenje postupka nabavke je ocijenila da se na ponude ponuđača Imtec d.o.o. Sarajevo, Bulevar Meše Selimovića 95/III, 71000 Sarajevo i „Elur“ d.o.o. Kiseljak, Žrtava domovinskog rata 2, 71250 Kiseljak ne odnosi preferencijalni tretman domaćeg, obzirom da ponuđači nisu dostavili Potvrdu o preferencijalnom tretmanu od nadležne institucije.

Iz Zapisnika Komisije za provođenje postupka nabavke je vidljivo da se Komisija sastala nakon otvaranja ponuda 16.03.2021. godine u 11:00 sati i pristupila pregledu ponude, odnosno provjeri da li ponuđač ispunio uslove iz člana 45. do 49. Zakona o javnim nabavkama, koji su traženi Tenderskom dokumentacijom, odnosno da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne robe.

Pregledom ponude ponuđača „ELUR“ d.o.o. Kiseljak, Žrtava domovinskog rata 2, 71250 Kiseljak, Komisija je utvrdila da ponuđač u ponudi nije dostavio **odgovarajuću Potvrdu o uredno izvršenom ugovoru** u skladu sa zahtjevom iz Tenderske dokumentacije, odnosno u skladu sa tačkom 13.4.1.2. TD. Ponuđač je dostavio potvrdu pravnog lica JU „Centar za napredne tehnologije“ u Sarajevu, međutim, potvrda ne ispunjava uslov na način kako je Ugovorni organ zahtijevao u TD, te je Komisija ponudu ovog ponuđača ocijenila kao NEPRIHVATLJIVU i isključila ga iz daljeg učešća u postupku javne nabavke zbog neispunjavanja uslova za kvalifikaciju. Ugovorni organ je zahtijevao da ponuđač dostavi minimalno jednu potvrdu o uredno izvršenom ugovoru o isporuci robe čiji su karakter i kompleksnost slični robi zahtijevanoj u Obrascu za cijenu ponude. Kao pojašnjenje pojma „sličan karakter i kompleksnost“, Ugovorni organ je naveo razne vrste printera, multifunkcionalnih uređaja, uređaja za skeniranje i slično. Ponuđač „ELUR“ d.o.o. Kiseljak, Žrtava domovinskog rata 2, 71250 Kiseljak je dostavio predmetnu potvrdu koja se odnosi na uspješnu realizaciju ugovora o isporuci kompjuterske opreme, a ne printera i sličnih uređaja, kako je traženo Tenderskom dokumentacijom.

Iz Zapisnika o pregledu i ocjeni ponuda je vidljivo da Komisija za provođenje postupka nabavke, nakon provjere računske ispravnosti dostavljene ponude, utvrdila da je ponuda ponuđača Imtec d.o.o. Sarajevo, Bulevar Meše Selimovića 95/III, 71000 Sarajevo **RAČUNSKI ISPRAVNA**.

Iz zapisnika o pregledu i ocjeni ponuda je vidljivo da je Komisija za javnu nabavku izvršila rangiranje prihvatljive ponude ponuđača na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Imtec d.o.o.Sarajevo, Bulevar Meše Selimovića 95/III, 71000 Sarajevo	0,00 KM	5.520,00KM bez PDV-a 0% Popust PDV 0,00KM 5.520,00KM

Iz zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji broj 0101-1939-3/20 od 26.02.2021. godine i Obavještenju o nabavci broj: 999-1-1-34-3-42/21 od 26.02.2021. godine, predviđeno provođenje e-aukcije kroz sistem e-nabavke. Članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj: 66/16), regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetnom postupku javne nabavke robe: **KOMPJUTERSKA OPREMA**, (Printeri LOT 2) zaprimljena jedna prihvatljiva ponuda ponuđača **Imtec d.o.o.Sarajevo**, Bulevar Meše Selimovića 95/III, 71000 Sarajevo, Komisija za javnu nabavku je konstatovala da se u skladu sa članom 3. stav (3) Pravilnika o uslovima i načinu korištenja e-aukcije, e-aukcija ne može zakazati.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku robe: **KOMPJUTERSKA OPREMA LOT 2 (PRINTERI)** za potrebe Univerziteta u Sarajevu, donese odluku o izboru i dodjeli ugovor ponuđaču **Imtec d.o.o.Sarajevo, Bulevar Meše Selimovića 95/III, 71000 Sarajevo**, čija ukupna cijena ponude iznosi: 5.520,00 KM bez PDV-a (slovima: pethiljadapetstotinadvadeset KM i 00/100).

Iz gore navedenih razloga, primjenom člana 69. stav (1) tačka a) i člana 70. stav (1), (3) i (6) Zakona o javnim nabavkama BiH, prihvaćena je preporuka Komisije za provođenje postupka javne nabavke i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrjeh

Dostaviti:

1. Elur d.o.o. Kiseljak, Žrtava domovinskog rata 2, 71250 Kiseljak
2. Imtec d.o.o. Sarajevo, Bulevar Meše Selimovića 95/III, 71000 Sarajevo
3. Služba za javne nabavke
4. Služba za finansije i računovodstvo
5. web stranica UNSA
6. a/a

**Prilog:** Zapisnik o pregledu i ocjeni ponuda

---

Univerzitet u Sarajevu - *Obala Kulina bana 7 - 71 000 Sarajevo - Bosna i Hercegovina*

*Telefon: ++387(33)226-378; ++387(33)668-250; fax: ++387(33)226-379*

*http://www.unsa.ba*